



Broj: 05/1-50-15-1548-1-3/23

Sarajevo, 14. 7. 2023.

ZAPISNIK

1. hitne sjednice Nezavisnog odbora Parlamentarne skupštine BiH

Sjednica je održana 14. 7. 2023, s početkom u 15 sati.

Sjednicu je sazvao Enes Obralijski, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obralijski, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Enes Bezdob, Mate Miletić, Nikola Džambas i Milan Stanić, članovi Nezavisnog odbora.

ODSUTNI ČLANOVI NEZAVISNOG ODBORA: Darko Kremenović i Muhamed Mujakić, opravdano odsutni članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili Dijana Stevanović, predstavnik Delegacije Evropske unije u Bosni i Hercegovini, te Enver Bogučanin iz Sektora za odnose s javnošću Sekretarijata Parlamentarne skupštine BiH.

Sjednicom je predsjedavao predsjednik Nezavisnog odbora Enes Obralijski.

Konstatirajući da postoji kvorum, otvorio je 1. hitnu sjednicu Nezavisnog odbora Parlamentarne skupštine BiH.

Prije usvajanja dnevnog reda predsjednik Nezavisnog odbora Enes Obralijski predložio je dopunu dnevnog reda, i to tačkom 2. Razno.

Ovaj prijedlog usvojen je jednoglasno.

Nakon što je usvojen prijedlog za dopunu dnevnog reda, predsjednik Nezavisnog odbora Enes Obralića konstatirao je da je usvojen sljedeći

D N E V N I R E D

1. Razmatranje dopisa Pravobranilaštva BiH, broj: 03-3-10-P-226/23 od 7.7.2023, a zaprimljenog u Pisarnici Parlamentarne skupštine BiH, 7.7.2023. broj: 05/1-10-1499/23;
2. Razno.

Ad. 1. Razmatranje dopisa Pravobranilaštva BiH, broj: 03-3-10-P-226/23 od 7.7.2023, a zaprimljenog u Pisarnici Parlamentarne skupštine BiH, 7.7.2023. broj: 05/1-10-1499/23

U uvodu u ovu tačku dnevnog reda predsjednik Nezavisnog odbora Enes Obralića istakao je da je ovo tijelo zaprimilo dopis Pravobranilaštva BiH, broj: 03-3-10-P-226/23 od 7.7.2023, a zaprimljen u Pisarnici Parlamentarne skupštine BiH, 7.7.2023. broj: 05/1-10-1499/23 u kojem se od Nezavisnog odbora traži izjašnjenje na navode po tužbi M. Đ., kandidata u postupku izbora i imenovanja direktora Direkcije za koordinaciju policijskih tijela BiH koje je Nezavisni odbor proveo u 2022. godini („Službeni glasnik BiH“, broj 33/22). Također, istakao je da je izjašnjenje potrebno dostaviti do 18. 7. 2023. te otvorio raspravu. U raspravi u kojoj su učestvovali svi prisutni članovi Nezavisnog odbora, jednoglasno je utvrđen tekst izjašnjenja koji će biti dostavljen Pravobranilaštvu BiH u traženom roku.

Ad. 2. Razno

U okviru ove tačke dnevnog reda predsjednik Nezavisnog odbora Enes Obralića istakao je da je neposredno prije početka ove sjednice Nezavisni odbor zaprimio Obavještenje Komisije za odlučivanje o sukobu interesa kojim ovo tijelo podsjećaju na obavezu dostavljanja finansijskog izvještaja a u skladu sa Zakonom o sukobu interesa u institucijama vlasti Bosne i Hercegovine. Obavještenje će e-mailom biti dostavljeno svim članovima Nezavisnog odbora.

Dalje, u okviru ove tačke dnevnog reda, predsjednik je napomenuo članove Nezavisnog odbora da će sljedeća redovna sjednica, a u skladu s ranijim dogovorom, biti održana 22. 8. 2023, s početkom u 17.15 sati u Sarajevu.

Predsjednik Nezavisnog odbora Enes Obralića zaključio je sjednicu u 15.50 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića